


鄭成功傳



鄭成功傳


鄭成功肖像



此圖爲前駐在臺灣美國領事狄碧德仁氏  
所藏揭于日本伊能嘉矩所著台灣志上卷  
風姿颯爽令人想像當時

匪石誌

台 南 鄭 成 功 祠



清光緒元年二月建鄭成功祠于  
臺南此圖爲鄭祠外景額題明延  
平郡王祠其正殿安鄭成功衣冠  
束帶塑像後殿中央爲翁太妃祠  
（祀成功生母田川氏）左爲監國  
祠（祀經長子克壅）右爲寧靖郡  
王祠（祀明寧靖郡王）東西兩廡  
配祀鄭氏部將百餘人焉

# 鄭成功傳目次

第一節

緒論

第二節

鄭成功未生時中國之時勢

第三節

鄭成功之初生及其幼年

第四節

鄭芝龍十九年間之概略

第五節

義師之初興

第六節

思明州之經畫

第七節

漳州海澄之二大戰

第八節

清鄭書詔往來之一年間

第九節

鄭氏兵力擴張時期

第十節

金陵之役

第十一節

鄭氏兵力再振時期

目次

一

---

第十二節	台灣之根據
第十三節	成功之終期
第十四節	鄭經之苦節
第十五節	吳耿尙三王與鄭氏之關係
第十六節	台灣亡
第十七節	鄭氏亡後之台灣
附錄	鄭成功世系表
全	鄭成功年譜

# 鄭成功傳參考書附記

作者參考材料大半取之日本書籍列其要目如左

鄭成功

日本丸山正彦

鄭成功

日本宮崎來城

台灣鄭氏記事

日本川口長孺

鄭成功傳碑

日本朝陽善庵

野史台灣傳

日本飯田忠彥

台灣記事

日本坪井信長(譯)

海外異傳

日本齋藤拙堂

台灣誌

日本伊能嘉矩

台灣島史

日本吉岡藤吉(譯)

台灣史要

日本秋鹿見橘

目次

三

---

台灣史料

台灣志

台灣事情

台灣紀要

偽鄭記事

台灣外記

泣岡錄

日本江馬達三郎

日本足立栗園

日本松島剛佐藤宏

日本村上玉吉

郁永和

申報館

黃澄

# 鄭成功傳

## 第一節 緒論

距今歲二百四十一年。清祖入關紀元。已十九周。中國本部。東西南北。各萬里。立於其朝者。旅行於其市府者。負纓戴警之倫。爭奔走黃色龍纛之下。或訶呼或嬉游。各手「康熙元年時憲書」而哭。故君迎新君。且弔且賀。不敢衰忽焉。黑雲萬裏。升自海南。一小孤島。大星小星下墜。如彈珠。時則號聲大作。鬱浪嫋嫋。瀾漫于我中國全部。其嘈亂于太平之淫歌。而不可復辨。歟。其雜入于中國南部之孤臣孽子之耳。而不復成聲者。歟。嗚呼。此何事。此何事。

則臺灣島主鄭成功。永謝我中國民之歲也。嗚呼。吾國民。以是歲。橫渡大江。西極滇境。過郡城北門。外徘徊。故明桂王墓。下不忍去。上溯夏四月。戊午。王與諸妃嬪諸王子。實殉國難於此。于是甲申之歲。北都亡。越一年。乙酉。西南都亡。又一年。丙戌。閩浙亡。又十五年。辛丑。粵疆亡。蓋終始相距僅十九年。其未遠也。而所謂中國本部。二萬萬。



面積之土地乃爲博物館歷史部之名詞而所謂自黃帝以降所嫗育嬌愛四萬萬之子孫乃爲博覽會人類參考館之陳列品而奄奄以病以羣病以死以羣死嗚呼其能勿哭其能勿哭

吾將哭鄭氏哭鄭氏所據之非地也哭鄭氏子孫之不卒也雖然其勿哭矣吾將哭吾國民吾國民負東方大陸之重擔又力不勝荷則棄之棄之而不復顧無復有一試負焉者有之仰指天俯畫地徒手跳跟弓不足一矢車不足一馬進無可據之寸地退無可守之尺土若是者其興也驟其亡也忽史家悲之掇拾以爲材猶慮不足焉吾惡乎能勿哭也今夫南都劉亞相宗周史閣部可法之徒接踵並起天下想望中興焉畫江議起遂即淪喪今夫浙金陵已陷潞王已降忽大聲發於江上則孫嘉績熊汝霖起兵自餘姚張國維起兵自東陽錢肅樂起兵自鄞上今人所稱『浙江潮』者至是乃浩蕩澎湃於全浙之野勢盛矣卒大不幸而洩流於舟山狂濤落日君臣竊竊相對語衣冠顛倒無復常禮如是者二年（野史傳王自失浙閩以後以海水爲金湯以舟楫爲宮殿陸處者唯舟山二年御舟稍大名曰河船即其頂爲朝

房諸臣議事于此。今夫閩則唐王之所治。黃道周蘇觀生之流。並能以意氣相期許。昊天不弔。實產妖孽。王卒糾紛凝滯于祭。則寡人之錯鐵案而身死於吾所傳中國。愛國者鄭成功之父。芝龍之麾下。而國隨以亡。今夫粵崎嶇滇蜀蠻夷雜處。搶攘竄越。幾不暇席。而猶支撐傾側至十五年者。何也。曰以有良臣。故卒之蠹賊內訌。屠殺忠直而遺燼遂熄焉。當是時。中國全部之孤臣孽子。乃心死。乃血熱。乃目竭。乃神往。乃大注意於海南孤島之英雄曰鄭成功。

我中國之歷史與世界異。故中國之英雄亦與世界之英雄異。雖然吾中國何嘗有國史。唯無國史。故可以髻髮可以辮髮。可以忽髻髮忽辮髮。而不然者。鄭成功答其父書曰：『今來剃髮之國。便即剃髮。設來穿心。國人吾亦將穿心乎。』其史爲世界所未有也。故曰鄭成功者。吾中國之英雄也。唯無國史。故可以父秦。可以子楚。可以子忽。秦孫忽楚。而不然者。鄭成功答其父書。又曰：『父自叛。明子自忠。明父勿能吾強也。』其史爲世界所未有也。故曰鄭成功者。吾中國自有之英雄也。有此二異。故吾崇拜世界之英雄。不如崇拜吾中國之英雄。

何以故以吾中國數千年來之時勢之地位種種與世界殊絕故

吾嘗讀法蘭西革命史而驚其民政之發達其排政府而護自由如獸走壙水就壑而不可止而鄭氏所爲未能是吾嘗讀英國革命史而驚其政府範圍界益益縮小雖仍復王政而未有害而鄭氏所爲未能是吾嘗讀意大利獨立史而驚其局縮于非種專制之蠱下而且破壞且成立以圖再造古羅馬之光榮而鄭氏所爲未能是雖然勿遽責之吾中國民族之智力之羣體其能如法蘭西其能如英吉利其能如意大利如其未能則吾中國民其勿大言世界之英雄矣非終勿言也吾中國果有鄭成功其人者衝決又衝決排蕩又排蕩使吾中國數千年來輕浮不正似雲非雲似霧非霧之妖氛盡散之於廣漠無人行之野而雷以震之風以蕩之電雨以衝激之久之又久乃始可歡迎世界之英雄而紹介於我東方大陸之舞場也故中國之英雄乃爲世界英雄之先導而世界之英雄又爲我中國英雄之後勁也故吾不得不曰中國之英雄乃鄭成功也

咄吾國民其凝望非中國土之臺灣其下拜二百年前中國已死英雄鄭成功其諦

聽中國愛國者鄭成功傳


第二節 鄭成功未生時中國之時勢

吾中國亂界有東西不可經南北不可緯之公例二

(甲例) 流寇——假王——真帝

(乙例) 流寇——假王——真帝

吾中國亂界又有東西不可經南北不可緯之特例一



其公例(甲)則有流寇然後有假王然後有真帝之義也(乙)則流寇等于假王假王等于真帝之義也其特例則外寇入為流寇為假王而皆有真帝希望之義也以此二例而為流寇假王真帝三者之別則以佔地能守與否為斷以佔年能久與否為斷翻觀鄭成功未生時之中國。

第一為黨社分爭時期 神宗之朝有騰天降淵而為明末世紀鬼榮神歆之歷史

之主動力者東林黨也。其主魁曰顧憲成。頽然一講師而已。既憲成起爲總憲。風裁乃大著。顧嘗曰：『官輦轂志不在君父。官封疆志不在民生。居水邊林下。志不在世道。君子無取。』彼能抉破數千年文字社交之薄習。而主張清議。冀得當以報家國。亦上天下澤之機關社也。方是時。世人論者可分爲是東林非東林兩派。

是東林派以結社講學爲主義。曰應社。曰廣應社。崇禎初復社興於吳。江幾社興于雲間。間社興于浙西。江之北曰南社。其西曰則社。又有歷亭。席社。昆陽。雲簪社。武林讀書社。合會吳下。以隸屬於復社。自復社始設己己之歲。下迄辛巳。凡大會者三四方來者萬餘人。以其無法則無精神。故氣節常不如東林。自復社以下皆以估料第多少卜社事興亡。

非東林派以植黨伐異爲主義。曰崑宣黨。齊黨。楚黨。浙黨。而其兇猛有大力之反動家。則惟璫人。憲成手嘗疏發璫黨。崔呈秀之贓。同黨楊左諸氏。又交章劾璫。璫益憤。乃以翻手爲雲。覆手爲雨之手段。而舉明史氏所指『挺擊紅丸。移宮。三大獄』盡移置於空洞無倚之東林。而東林遂爲別嫌引讎之中心地。

然則謂東林不亡。果足支殘明乎。曰。烏乎然。東林黨者。乃無規則無用具之政學會。

也。其引所皆達官貴人。平民無聞焉。軍人無聞焉。刻言之。彼終未脫「老學究」之習氣。而於今世界所謂平民軍人兩主義。猶風馬牛之不相及。雖然。彼固以「忍苦」爲極樂。以「求死」爲究竟。而能自達其希望者也。吁。嗟乎。東林。吁。嗟乎。東林。偉然其人。巋然其地。乃竟隨大明之江山以去。

第二流寇濁亂時期。吾以爲有明萬歷天啓數十年間。闖如虎。吏如狼。驅生民如羣羊。市野洶洶。已漸入朝家革命時代。東林諸君子。果豪傑乎。宜奔走盡力。爭握中原。四百餘州之造亂權。而自張弛。自收縱。大呼而起。盡率西北之將。爲寇盜者。東南之能經溝瀆者。以組織吾中國空前絕後之民會。而與吾國民更始。能若是斯所謂英雄也。而不然者。朝滴一淚。焉。夕揮一涕。焉。觀望周章。慷當以慨。歸休乎。君。吾不願聞此亡國之音。

此造亂權乎。順用之爲正動。曰正動。即有建設之破壞。之換言也。反用之爲雜動。曰雜動。即爲無建設之破壞之主因果也。神熹兩朝之闖。若吏持是權。而玩狎之。而卒以造崇禎十七年狼奔豕突之歷史。請述其略。

一逃軍——周大旺、張獻忠等屬焉。

一邊盜——王嘉允、王自用等屬焉。

一土寇——王左掛、高迎祥等屬焉。

一饑民——王二、王大梁等屬焉。

然此皆聚嘯延綏、南北間流衍散漫，無所統一，各奔向「衣食」及「子女玉帛」之天鄉，以聊試其吞嚙。崇禎四年，諸寇開同黨聯合會于山西，勢乃熾。八年，開第二次同黨聯合會于滎陽，勢大熾，遂出沒山、陝、湖、廣、河南、四川諸要省。時諸寇

由分立主義漸入統一主義。

由渠帥希望漸趨帝皇希望。

於是諸寇別爲張獻忠、李自成二大支。

張獻忠自茲東犯，入欽犯湖廣諸境。十一年降于熊文燦軍，明年復叛于穀城。十三年陷四川諸州縣，又東陷襄陽，殺襄王翊銘。十六年陷武昌，昌、沉、楚王垂奎於江。進陷湖南，遂入四川，僭號大西國。王改元天順元年，殺男女六萬萬有奇。

李自成自茲入陝西尋犯四川十三年走郿均陷河南殺福王常洵陷南陽殺唐王聿鎮十五年陷開封尋犯汝寧十六年寇潼關遂陷西安延安諸郡十七年僭號西安國號大順改元永昌乃陷太原入甯武關犯居庸以是年三月入燕京明帝自經於煤山

而此十七年間有爲張李二寇莫大之外援者則以清兵數次入犯諸將且勤王且勤寇奔走疲命延緩逸寇故計崇禎二年清兵下遵化薄永定門明年夏五月東歸三年清兵圍大凌河六年取旅順七年入上方堡至宣府九年入塞十一年再入塞十二年出青山口十五年陷松山下錦州人薊州遂下畿南山東州縣此其時實被張李二寇及清兵互援助互進退之影響者曰惟吾中國惟吾中國國民

嗚呼彼張李二寇何人斯固猶是吾中國國民也始則殘虐之及其既亂而又殺之而使吾中國可親可愛如手如足之同胞一旦陷于尸如山血如海之慘境又甘爲外族之俚向所見虎猴蠻觸蝮伏瑟縮無敢爭戰清風忽來化爲死灰飛去詩不云乎誰生厲階至今爲梗言念及此潛然涕下

第三諸王奔逐時期 維時明臣吳三桂方擁兵山海關聞明京亡遂降於清求共

討李自成清命睿親王帥師從既入關令三桂兵皆薙髮不及則繫白布爲幟遂以自成據燕後二月定京師易服色頒朔曆故明諸臣爭薙髮奔趨闕下不及三月幽燕三易主人物猶是衣冠已非於是北明志士皆南奔

北明志士皆南奔何曰嗚呼吾中國國民所最乏者精神界之堅定力而已其始也未嘗不慷慨可一用再則衰三則竭終且男臣女妾無所不至流寇騷亂中國雖十七年固未一及江南北都既亡福王由崧避兵至淮南中諸臣乃以是年五月奉王稱號於南都雖然試一究南都內部存在之狀態(一)文臣爭黨(二)武臣爭兵內言之曰無愛國心外言之曰無復國力以是數者遂相率取因循退讓政策益縱清兵圖李自成且盡殲無何清兵下江南入宿遷明年定河南遂以五月渡江入南京總兵田雄却王以降於是南中臣民子女皆爭投死地以殉曰所以報國也

是歲清兵下浙江克杭州唐王聿鍵南奔閩閏六月稱號福州改元隆武元年時浙臣張國維等方奉魯王以海稱監國於紹興浙東西義師大奮起頗不寂然三王捨

「國難」爭「帝名」如水火。又窮迫於清兵。尾追之苦。境惟日以南奔。爲志清。遂以秋七月定江西。八月克松江。九月入湖廣。十月克徽州。明年夏。陷紹興。魯王遁入海。七月克衢州。八月克延平。至汀州。王死之。至是閩浙盡亡。

讀者蓋繙吾中國革命史。吾中國設於其圈界而自盜。且自帝也。其必依亂史之公例矣。苟不然。假王尙有待外族。日以至則所謂亂史特例。乃大發現於吾中國。至穢至惡之歷史。果惡乎。然哉。吾國帝政發達。垂二千年。于茲下之人。旣以「召外族戡內亂」爲慣技。翻觀吾國民乎。又懵懵不知「民族主義」爲何物。而羣起爲無秩序。無方向之暴動。偶一敗挫。降順。恐後向日所名稱爲中國。慷慨家者。亦復以「死」爲獨一莫大之責任。而堂堂四百餘州之版圖。倏焉忽焉。乃爲歷史地理部一死名詞。而生氣無復。屬焉者悲哉。吾國悲哉。吾國民何頑鈍悍愚。其若此。

### 第三節 鄭成功之初生及其幼年

「徧歷中原無趙氏。一片乾淨土。南望崖山煙波浩淼。猶彷彿宋遺臣陸秀夫挾宋帝殉國處。」嗚呼。古來孤臣孽子。不得行於中國。則遁於海。或并其兒年呱呱之聲。

一三  
僅一觸於能爲人臣妾者之耳膜而浼焉。且以爲大汚海山重重別有天地生於斯。育於斯族於斯英雄幼年固咄咄已異人若是。

試一遊扶桑之鄉。自平戶港彳亍至河內浦。又前行千里濱在焉。長林大道之旁。義義然一巨石迎人而前。上鐫「誕兒石」三大字。以爲識居者告余。「昔吾國有義俠女曰田川氏。實爲平戶士人之女。年十七八。婚于明人鄭七官芝龍爲妻。一日田川氏出游千里濱。風雨大至。不得歸。田川氏拾文具爲戲。忽覺分脫。踉蹌就濱內巨石以生。或曰。生時氏恍聞金鼓聲。或曰。氏恍見海中有物。長數十丈。大數十圍。兩目如炬。以驚田川氏。於時若中國掀天蓋地之英雄乃墮地。氏字之曰福松。福松者就石側古松以爲祝也。」是歲也。當吾明天啓四年。越五稔。福松弟左七衛門生焉。

自是芝龍留妻子日本。入中國。一躍而登福建海防之重鎮。崇禎三年。芝龍遣使迎妻田川氏。氏以少子幼。不欲西。命福松隨使者來。時福松年纔七歲。既至。芝龍驚其狀貌。改名森。字曰大木。迎師課之學。福松幼稟日本大和魂之薰陶。又久受中國國粹學。故居平喜讀春秋孫吳書。嘗作「當洒掃應對進退」文。其終言云。

湯武之征誅一洒掃堯舜之揖讓一應對進退

時福松年方十一。已慷慨自負。若是。雖然。英雄少年。其四旁上下。必有種種變相之羣魔。以奪其神。而傷其元勝之。而魔退。魔退而英雄名。故羣魔者英雄之好友也。此時芝龍已別娶顏氏。福松孝事之。然居常怏怏不樂。海天東望。河內浦隱隱波濤中。吾家固在其處。夜來明月在天。吾母與弟二人形影相吊。無相歡語。思念至此。每淚下涔涔。而福松諸季父弟昆。猶嘲福松曰。『而非吾中國人所生。而忘吾中國風。』數窘之。福松聞『中國』字。益感慟心識之。其叔父鴻遠獨奇福松之爲人。聊述當時之能知福松者。

王觀光一見福松。謂芝龍曰。是兒英物。非爾所及。

金陵術士來。芝龍叩以福松能得科第乎。術士曰。此奇男子。骨相非凡。命世雄才。非科甲者。

此何時乎。隆武帝方狼竄。雌伏於閩南之一隅。而舉軍國大事。倒授於芝龍之掌握。他心視倪奉芝龍。令不敢違。芝龍常引見福松於隆武。隆武曰。恨朕無女。可妻卿。雖

然。卿當盡忠吾家。毋相忘。遂賜姓朱。改名成功。拜御營中軍都督。賜尙方劍。儀同駙馬。至是國姓爺朱成功其名。迺轟轟烈烈大發現於日出日沒兩大帝國之歷史。

初。成功父子數招妻母於日本。田川氏以幼子故。辭未來。順治三年。左七衛門年十六矣。成功復強請其母。氏於是迺告左七衛門曰。

兒乎。昔兒父及兒兄。數相迎吾憐兒。故不果往。兒今長矣。兒父及兒兄。又以書來。不往吾於兒父及兒兄。爲無辭。是重吾之戚也。且吾又未能與兒偕。嗚呼。吾終舍兒矣。吾憐兒。兒父及兒兄。亦必憐兒。當歲以金若干。託商船寄兒。嗚呼。吾終舍兒矣。雖然。兒勿忘吾。勿忘兒父及兒兄。又勿忘今兒母所去之中國。吾行矣。

於是田川氏得與長別。離之七歲。寧馨兒相聚者一年。而成功亦於時與「國亡家破之悲鄉」。且行且近。未幾而閩海之大波瀾以起。

#### 第四節 鄭芝龍十九年間降叛之概略

欲述鄭成功之生平。不得不先述其父鄭芝龍之歷史。吾大不解吾中國元祖黃帝之何子何孫。以何年何月何日。乃怪產一鄭芝龍。先儒

有說。國家將亡。必有妖孽。此言若可信。若不可信。但亦偶有一故二實。鼓激于吾人之耳膜。迷離恍惚。駭人聽聞。余嘗聞故老言。明萬曆甲辰三月。怪石出浮於廈門。其石有文。文曰。（池北偶談明崇禎庚辰閩僧貫一居鷺門夜坐見籬外有光。既三夕乃掘地得輒背刻古隸四行云）

草離雞鳴（一作草雞夜鳴）長耳大尾。銜鼠千頭。拍水而起。殺人如麻。血成海水。（一作起年滅年。六甲更始。無揚眉于東以下六句。揚眉于東。傾陷馬耳。生女滅雞。十倍相倚。志在四方。一人也。爾庚小熙。皜太平。伊始（一作太和千紀）

噫嘻。鄭芝龍。何配擔當此大祥。雖然。鄭芝龍者。屠殺國族之劊子手也。降叛旗下之好人物也。肇自始生之年。下逮身死之歲。芝龍無一時無一事不與朱明爲死敵。黃帝在天。有靈。其淚滴滴化而爲石。芝龍年十八。不安于福建泉州之血地。遁入廣東香山。依于母舅氏黃程。程業商。芝龍乃業商。時中國海商經行地。率不越日本。緬甸暹羅諸國。芝龍居三年。以商來游日本。從舅氏志也。

日本國于吾東海之東。其文字同。其風俗同。吾中國海上豪傑不得志於政府者。大

率流寓於是。所至散財立俠號。召徒黨而閩人顏思齊實爲之魁。芝龍既至。投入之。既。日本幕府疑思齊將不利於其國。下令逐客。思齊曰。其曷返吾祖國乎。或曰。往舟山。或曰。閩。比決議。某某言臺灣新土。利于生聚。遂以明天啓四年八月十四日。以十三艘向臺灣進。征逐土番而居之。明年思齊死。以下推芝龍爲渠帥。自是南犯閩粵。東掠江浙沿海諸州縣。吾國民大騷擾。嘗以芝龍爲吾國民身家仇。

雖然。彼鄭芝龍何人。斯屠殺國族之劊子手也。降叛旗下之奸人物也。其腦筋其眼。簾非燦燦之黃金。卽峩峩之紗帽。夢中時作大官狀。覺而知爲夢也。曰吾安能鬱鬱久居此哉。適盧毓英討芝龍。爲所俘虜。芝龍以爵要之。毓英歸述于都督俞咨奉。咨奉素持討伐主義。不應之。芝龍又勝之於廈門。已而熊文燦撫閩中。芝龍率所部來歸。彼一時乎。此一時乎。芝龍裂海盜冠。毀海盜服。面目都改。心腸皆非。居於「海盜讎海盜」之忍鄉。有年。殺衷紀平。黃香。敗鍾斌。滅李魁。奇而自以副總兵。擁妻子。廣積聚于八閩之泉州。

大風忽來。落日無色。閩海波濤洶洶。已逐唐王聿鍵。黃道周。張肯堂等孤舟而至。芝

龍以定策功。封爲平鹵侯。然驕恣益甚。在朝與何楷爭坐。王行郊天禮。又不至。彼嘗以唐王爲難兒。爲亡王彈冠躡履竊竊自喜。大有『滅國由他滅國富貴自我富貴』之奇概。故常與清人招撫江南福建者通。成功患之。一日見王。王怏怏不樂。成功曰：『得母以臣父故耶。雖然。臣王臣也。而王今日中國之中興主也。臣義無反顧。請以死扞王矣。』慘乎成功得于家則失國。得于國則失家。家破能瓦。全國亡不可興。思之思之。乃終其身與芝龍長辭於降叛之天地。

而是時清兵已由浙趨閩。閃閃『大清順民』之旗。直隨清師所到地迎風而立。清師博洛略泉汀。成功母在圍城中。而題曰：『余夫非中國人乎。今惜一死何顏。面以對中國』。死之。清師益進。芝龍猶豫未決。博洛乃遣人招之。其書曰：

吾所以重將軍者。以能立唐藩也。人臣事主。苟有可爲。必竭其力。力不勝天。則乘時建不世之功。又一時也。若將軍不輔主。吾何重將軍哉。且兩粵未平。今鑄閩粵總督印。以相待。吾欲見將軍者。商地方故也。

嗚呼。此閩粵總督印。果佩于降將軍鄭芝龍之腰間乎。索其身。僅得降表一降。旗數

十餽金數百萬。芝龍乃召成功計事。成功曰：清兵不足患也。閩粵吾所自有。父欲得之。則乘時練兵集餉。號令天下。豈無應者不聽。子弟勸入海。不聽。成功又諫曰：父教子忠。不聞以貳。且北朝何信之有。倘有不測兒。只惟縞素復讎而已。又不聽。而盛張投誠勳。求官者皆就議價。比見博洛。博洛陽與歡。痛飲三日。夜半忽拔營挾芝龍北去。嗚呼。亡國大夫其如是矣。自是聞芝龍一喚。僕則偵者至。一作書則監者至。所俱五百人。垂垂盡散。博洛時來強芝龍作家書。令作「清朝厚恩。爾當來歸」語。告成功。清始以閩粵總督餌芝龍。又欲以芝龍餌成功。成功不受。芝龍曰：是兒不至。清其敵于奔命乎。

### 第五節 義師之初興

東山鳳已去。西野麟未歸。物猶如此人。何以堪。徵聲問作。忽觸吾耳。歌曰：

噫嘻。我所愛之祖國兮。夕陽猶是兮。江山已非。

噫嘻。我所愛之生父兮。燕山之東兮。燕山之西兮。胡笳嗚嗚。胡不歸。

噫嘻。我所愛之慈母兮。泉州城上兮。烏南飛。泉州城下兮。麋鹿追隨。兒身未死兮。

兒心不遠

此歌者誰則中國英雄鄭成功其人也。嗚呼。水激則立。空氣遇壓力太重則躍。英雄乎。英雄乎。抑鬱至極則益奮。成功既身遭『父亡』、『母死』、『國家多難』之三大慘境。俯仰身世悲憤交集。益慨然有『甯爲國民死。不爲奴隸生』之抱負。沿海一片土。或可爲英雄發祥之鄉。迺投袂而起。

雖然。成功是時。猶王侯府第中一驕兒也。成功雖遇主列爵。王則寵之。父則暱之。固未嘗與聞兵事。至是大激昂。跚跚過孔子廟。解所服儒服。陳於先師之前。而焚之。且祝之曰。

嗚呼。先師國家已矣。父諫不聽。母死非難。成功之罪其曷可道。謹謝儒服。以矢厥志。嗚呼。先師昔爲孺子。今爲孤臣。仗先師靈宏濟大難。其濟國民之福。不濟成功之罪。嗚呼。先師實式憑之。

既祝。長揖而去。遂部勒將士。所善陳輝、張進、施琅、施顯、陳霸、洪旭等。願從者九十餘人。其自外至者。文臣則浙江撫臣盧若騰。進士葉翼雲。舉人陳鼎。武臣則甘輝、藍登。

顯貴。則林壯、鄭金裕等皆來歸。部署既定，迺以大艦二收兵南澳。望風來附，得數千人。成功乃告天誓師，其誓詞曰：

忠孝伯招討大將軍罪臣朱成功，敢以一掬淚、一滴血、瀝誠竭忠，以誓於我三軍。我普國國民之前，嗚呼！爾祖爾父所日日教告于爾等者，何言乎夫國民之所以能受光榮者，徒以有國在耳。今清兵南下，行且盡收中原，爾等試一轉念，爾等累累狂奔如喪家之犬，如待亡之人，爾士誰踐之，爾衣食誰衣食之，嗚呼！不有國母，甯死。余將誓師中原，與決生死，爾等有與吾同志願者，其投鞭來從軍行矣。

於是一片從軍！從軍！殉國！殉國！之聲直應成功誓言而起。皆曰：今唐王已死，吾閩無主。然吾聞永明王尚在梧州，已改元永曆，其下文臣猛將皆能為國家死難者，且兩粵亦吾中國土，吾等舉師援應，閩粵勢合，徐圖東方，事必有濟。既決議，遂以某月日上表于永明王，奉朔稱永曆元年。

是歲成功與鄭彩、鄭聯共攻海澄，不克。八月與鄭鴻逵攻同安，敗清將趙國佐，進軍圍其城。以援至，解圍。明年成功又攻同安，守將遁，遂拔其城。成功令葉翼雲守之，而

自將兵轉侵泉州。已而清兵攻同安。葉翼雲死之。方是時。魯王令大學士劉中藻略定福甯州。與平夷侯周鶴芝相犄角。連復建甯。漳浦諸州縣。溫台義兵雲集響應。一時軍勢頗張。

而成功卒以孤軍懸絕。無所用武。文念母田川氏。以日產殉身國難。東望神山。吾弟尙在。乃以一紙書寄于日本長崎譯官。略曰。

大明龍興三百年。治平日久。人人忘亂。□□乘虛攻陷兩京。愴懷神州。咸被腥羶。成功深荷國恩。義無返顧。徘徊閩浙。頗有從者。然孤軍懸絕。萬辛千苦。中心未遂。日月其邁。成功託生貴國。深慕俠風。伏維仗義。假我師旅。惟執事實昭鑒之。

比達。日本以有事不報。於是中國南部。蟄龍鄭成功。廼以單身搏戰于閩海者十數年。

#### 第六節 思明州之經畫

嗚呼。吾不忍忘思明州。吾懷之一念。一嘔血。一望一揮涕。明兮明兮。奈若何。

思明州有悲風慘雨之歷史。有龍騰虎拏之事業。有覆載英雄永作屏障之功勳。有

喋血洗鐵。乘風弄潮。之大紀念。思明州存則英雄存。思明州亡則英雄亡。吾徧繙吾祖國四千年史。而求得思明州之配偶。則如巴蜀之於沛季。西川之於劉玄德。然則思明州何廈門也。廈門何以名。思明曰昔者鄭成功既得廈門。愴懷宗國。潛焉出涕。江山雖好。夕陽奈何。迺鑿錫以嘉名。曰思明州。

雖然思明州當時有盤踞坐鎮之二大惡魔。而爲思明州山海神靈之玷者。曰鄭彩。曰鄭聯。彩專魯監國之柄。殺熊汝霖。殺鄭遵儉。殺錢肅樂。遂據廈門。與聯結納。飲廈門之酒。色廈門之色。忘卻廈門一衣帶水。外尙有惡慘腥膻之天地。

永曆四年八月。鄭芝鵬。自潮陽說成功曰。吾起兵海上。不得一尺寸土。以作根據。不可以守。廈門二鄭。方耽酒樂。盍圖之。施琅曰。聯酒色之子也。吾以船四艘出鼓浪嶼。彼必不疑我。又以僞裝商船直赴廈門。乘機進取。時不可失。雖然成功者義人也。善人也。成功以與聯爲義兄弟。吾取之爲不仁。鄭芝莞曰。我不取則人取之。曷若我取之。獨不聞唐太宗取建成元吉事乎。遂決議。

涼秋八月夜。明如晝。隱隱見城東一角萬石巖。高出雲表。燈火數點。有客獨酌一壺。

既醉。昨魂未醒。而是夜神龍天矯之鄭成功已率甘輝施琅洪政杜輝四將軍。至於巖下。聯乘酒出見。成功曰。願假我一軍。聯曰。可哉。雖然。公來何暮。願酌公以壯行色。成功飲。聯亦飲已而成功。歸又招飲。聯于虎坑巖歸途。刺客卒發函其首以投于不速客之幕下。於是聯部將陳奉、藍衍、吳豪皆來歸。

狼去矣。狼若何而鄭彩之部將楊朝棟、王勝、楊權、蔡新等已率全隊之水師來降于成功之軍門。成功乃使洪政招彩至。彩曰。吾年老氣衰。觀諸子弟能有爲者。大木而已。大木成功字。吾願以全師付成功。成功歡迎之。於時閩安、銅山、南澳諸島皆約束聽命。遂以輔明侯林察爲左軍。以閩安侯周瑞爲右軍。以定西侯張名振爲前軍。平彝侯周鶴芝爲後軍。而自將中軍爲元帥。擁兵四萬。戰艦一百餘艘。軍聲隆隆。鵠起清廷。無內外大小文武官廼皆注眼于鄭成功。

明年成功回南澳。使將留守廈門。忽值騎飛報于鄭芝莞之麾下。曰。已值清福建巡撫姚學聖與黃澍等乘主帥南發將乘間來取廈門。已命總兵官馬得功統轄騎卒自五通來渡。吾水師鎮阮引不戰而潰。敵且至。將軍將何圖。芝莞急不知所出。席珍

寶棄城欲遁。島中鼎沸。而是時有纖纖柔弱之一女子聞鄭將軍已下船急懷明太廟及鄭氏宗廟主飛奔于將軍之艚。芝莞欲移之于他船。女子不應。芝莞固請。終不應。此刹那間。島中惡濤洶洶。鼓聲雜作。但見清將以五百騎往來于彼岸人叢中。或割首。或呼渡。濤盡處。五道山屹如神立。山上龍纛。旂下二將指天畫地。頻頻望海。卻步。此何時。此何人。乃敵帥姚學聖。黃澍謀。渡不渡。且進且卻之時也。

已而鄭鴻逵以鎮將揚抒素吳渤至。施琅陳勳鄭文星以水師至。圍清將得功於海上。得功進不能勝。退不得援。乃以書報鴻逵曰。「昔得功以微身隸屬於將軍。時日間隔。今廼以兵戎相見。得功死此。亦固其所。雖然。舊恩不可忘也。得功今死。此島中人民其能大安乎。且將軍妻子皆在安平。將軍殺得功。吾主帥姚黃。二將軍必殺將軍。家得功爲將軍計。亦復不值將軍。其有意乎。」鴻逵心動。廼私以漁船數艘資得功以遁。

而其時往來廈門南澳間之主人公乃始以四月五日自南澳回距馬得功遁歸。已五月。聞鴻逵縱敵事。則大憤。使鎮將趣鴻逵母入署。遂整軍律。改鎮守。督民夫造砲。

臺五座。以別將鄭擎柱守之。十日。成功大會文武官。議廈門諸將之功罪。殿設隆武帝御座。成功自拜之。又命大小文武將吏徧拜之。既拜。迺出隆武帝所賜劍。斬芝堯于軍門。而諭曰。

嗚呼。我三軍其肅聽。自思帝棄社稷。我明室已亡二君矣。永曆蒙塵海南。訊問又不時達。吾以國族故。故與我三軍同心戮力以爭此一寸土也。今芝堯喪師失律。幾失要地。天不亡我。援師遂達。雖然。不敢私也。芝堯者。吾之從叔父而國之仇也。吾私之。吾不啻亦爲國仇。其何以謝三軍哉。故已命將斬訖。嗚呼。我三軍進行時。有後敵者。吾誓以先帝所賜劍。以加於亡我漢族者之頸。

於時鴻逵已移師金門。聞成功斬芝堯。大感動。乃盡以將士還成功。築亭白沙。植花木。娛笙歌。成功乃擢其將萬禮。陳朝爲將軍。命洪旭守廈門。族兄泰守金門。叔芝豹及施天福守同安。張進守銅山。陳霸守南澳。閩海波濤一搏十丈。洶洶有氣吞中原之奇觀。

### 第七節 漳州海澄之二大戰

惡濤益益急戰雲益益催漳泉二州之間乃爲清鄭血戰之中心地永曆四年成功益整軍備五月敗清將王邦後八月敗清提督楊名高遂略漳泉各州縣降其將楊世德陳堯策明年又敗清將陳錦于長泰錦死之未幾乃有漳州之戰

漳州之戰何自永曆六年四月迄九月用兵凡三百六十餘日舍兵十數萬舍船數千漳民餓死者十之三路斃者十之七亂後遺骸之大穴三總數七十三萬有奇爺娘父子一堆草落日寒流幾戰場萬劫不滅國魂其歸吾舌尙存爲述戰史

成功志必欲得漳州急圍之清將馬逢來援甘輝告成功曰今若與清將野戰吾傷必多不如困之於漳城乃讓自萬松關至漳城龍江一帶路誘之已而馬以騎千步三千至鄭軍不與戰夜則喊聲四起馬軍數數眠起詰朝甘輝逆馬軍馬軍疲又以漳路阻隔遂入州城而鄭軍自後追之馬入城數日忿突襲成功營成功自四面要之馬敗守將王邦俊出助戰亦敗當是時城援已絕鄭軍晝夜攻之尙未下而福建巡撫宜永貴遽以船二百襲廈門成功命陳輝防之於崇武勝之

而是時忽忽已仲秋八月沿漳城河岸以下血流湍湃上與苦霖相衝擊絕似一幅

血。雨。圖。內。見。城。一。角。距。茲。三。十。里。有。寨。如。豆。有。人。如。粒。或。連。木。或。疊。石。或。沈。船。東。則。塞。南。則。崩。上。如。欵。下。如。傾。沿。溪。橫。流。四。決。土。石。雜。下。細。碎。不。可。辨。吾。模。擬。其。境。殆。鄭。氏。方。以。八。月。灌。漳。州。城。歷。一。月。工。未。竣。而。偵。者。來。告。聞。清。固。山。金。礪。將。會。新。總。督。劉。清。泰。來。援。成。功。迺。使。周。全。斌。迎。戰。一。面。盡。力。攻。漳。城。已。而。全。斌。敗。成。功。乃。解。圍。去。而。自。退。于。廈。門。

漳。州。之。戰。既。終。海。澄。之。戰。方。始。金。固。山。既。解。漳。州。圍。欲。一。氣。盡。吞。中。國。南。部。國。民。之。未。薙。髮。未。清。衣。冠。者。乃。以。永。曆。七。年。四。月。進。兵。海。澄。使。劉。清。泰。以。水。師。出。福。興。二。港。爲。夾。攻。計。成。功。偵。知。之。使。林。察。周。瑞。往。海。壇。迎。戰。中。途。遭。颶。風。察。舟。誤。入。興。化。港。死。焉。而。成。功。適。謀。得。金。固。山。將。以。二。十。八。日。以。全。師。進。營。祖。山。頭。遂。以。五。月。一。日。自。率。大。隊。至。海。澄。使。王。秀。奇。郝。文。興。陳。堯。策。守。鎮。遠。寨。甘。輝。黃。廷。守。關。帝。廟。而。自。築。觀。戰。台。於。天。姬。宮。越。三。日。清。軍。數。萬。至。營。于。天。姬。宮。之。前。火。砲。數。百。門。旦。夕。向。成。功。營。突。發。木。柵。頹。壞。頽。立。五。日。後。勁。鎮。陳。魁。後。衝。鎮。葉。章。自。砲。煙。突。出。奮。戰。章。死。之。魁。傷。于。矢。甘。輝。急。開。寨。奪。魁。回。而。以。楊。正。代。統。其。鎮。

是役也。當劇戰之中心。而爲清鄭勝敗之界綫者。則以五月八日是日。金固山自督兵來攻。望見天姬宮旌旗之下。一將指揮左右。火石併發。彈綫益益逼近。或勸成功。下。成切曰。天乎。余誓不爲大明避一尺寸。土甘輝見事。急翼成功下。而砲已及。碎台級數層。金固山則又力攻。鎮遠寨。方是時。鄭軍岌岌如累卵。

夜盡天旦。砲聲忽作。火龍數萬。條奔于金固山之軍門。馬失其蹄。寨掩其幟。纓。激搏。上騰。無際。而蘇。茂。甘。輝。已。大。關。寨。門。突。以。大。軍。攀。緣。龍。尾。而。上。與。清。軍。格。鬪。于。彈。林。硝。雨。之。裏。据。歷。史。家。言。是。時。金。固。山。方。薄。攻。海。澄。城。成。功。使。郝。文。王。秀。奇。周。瑞。等。應。之。戰。正。酣。地。道。砲。火。齊。發。於。是。金。固。山。且。戰。且。退。而。回。兵。於。漳。州。

方是時。清順治帝已入關十年。四海大定。莫不奴服。嗚呼。我試以比例術求之。清以滿洲及中國全部之兵力。盡注于閩南之一隅。土地得比例若干。人民得比例若干。謀士猛將得比例若干。兵馬舟艦糧食得比例若干。而鄭氏果以何主義。何氣力。乃敢來前數挑戰。嗟乎。哉。故宮何處。忍堙滅於荊駝國魂。尙存誓殉生于鐵血。而成功亦於時。援桴鼓。饗軍士。以歸于廈門之故營。

第八節 清鄭書詔往來之一年間

吾○敍○漳○洲○海○澄○戰○事○如○畫○龍○一○鱗○一○爪○爲○雨○爲○雲○未○嘗○不○一○肖○也○雖○然○吾○猶○未○爲○之○點○睛○讀○者○試○猜○之○一○場○忙○碌○一○場○空○清○歟○鄭○歟○意○何○存○歟○吾○諡○之○曰○民○族○之○戰○惟○民○族○戰○則○必○如○斐○利○賓○之○抗○美○獨○立○脫○蘭○斯○哇○爾○之○叛○英○圖○存○嗚○呼○其○讎○其○讎○吾○灑○血○淚○以○濺○之○然○則○兩○民○族○相○遇○弱○者○固○死○負○其○大○好○民○族○之○旗○幟○行○行○重○行○行○視○死○力○如○歸○而○一○方○亦○抱○懷○民○族○的○帝○國○之○雄○心○不○盡○鬥○殺○其○非○民○族○不○止○也○而○獨○不○聞○當○日○清○人○之○言○乎○

自○吾○大○兵○入○關○所○至○降○旗○迎○樹○莫○不○從○命○文○人○爲○我○作○詔○檄○雖○不○解○其○文○義○然○啾○啾○噫○啞○亦○自○成○腔○調○武○臣○爭○執○刀○爲○我○前○驅○我○下○令○薙○髮○孰○敢○不○薙○髮○我○下○令○屠○城○孰○敢○不○屠○城○順○民○男○女○數○千○萬○匍○匐○跪○拜○于○我○膝○下○我○奴○其○夫○妾○其○婦○又○孰○敢○不○聽○從○獨○鄭○逆○反○抗○不○奉○命○故○命○將○出○師○聲○罪○致○討○我○以○中○華○人○殺○中○華○人○而○自○後○督○策○之○又○孰○敢○不○唯○唯○而○鄭○逆○猶○不○屈○如○故○我○將○以○如○此○如○此○之○術○行○之○鄭○逆○在○吾○手○中○矣○（語見黃澄泣閩錄）

乃翻易其力取主義而為詐取主義詐取主義何曰凡敵臣有忠於其國者必出種種之手段以殺之殺之則又封之賜之諡賜之祠而大號於國中曰吾所以旌忠也一術也凡敵臣有不忠于其國者必出種種之手段以伏之既伏則又困之或錮其身或格其名位曰所以告為人臣之有二心者一術也其于士民則始威之終餌之俄人取之以利用東三省者也一術也故詐術者伯主錦囊中之秘寶也昔清廷得之以愚鄭芝龍而芝龍受之永曆六年清廷又諭芝龍曰

父既歸順而子獨不至此必地方官不體朕意爾宜以書招之

讀者謂清廷果信芝龍乎芝龍明人也而成功其子也其果信之謂清廷無人焉可也然則何說曰智哉清人智哉清人清人入關未數年已能利用吾中國三綱之謬說而以父力薄其子矣其勝則吾之利也不勝則吾固可以從逆罪其父而大肆吾手掌中之權謀也不信則又請讀清廷諭閩浙總督劉清泰之辭曰

鄭若歸順則赦其罪賜之官若執迷不悟其以時進剿

於是以明年五月封芝龍為同安侯成功為海澄公十月芝龍奏曰臣以聖旨諭成

功。成功辭封不受命。于是清廷命議政王貝勒王會大臣確議具奏。既又頒諭成功。  
(諭文長從略)

雖然。成功何人。斯彼固以光復中國爲主義。以戰勝非民族爲目的者也。清詔再三。至彼方視爲屠殺國民之好檄文。而閉聰塞明以爲淨。故不照兩國議和停戰事例。而日日整軍備修舟艦。清使之來也。其一爲李德。其一爲鄭賈。方二使周旋海隅時。成功使陳輝張名振。率舟師入長江。奪其船一百餘。又犯天津。焚糧艘。而忽有悲風。慘雲自天際東南方而下。覆江蔽淮。陰陰欲雨。此何地此何兆。則以鄭將方舟次金山寺設故明崇禎帝位而祭之。滴滴亡國之淚。哀哀孤臣之歌。江南何有但餘黃葉。故宮無人。或鬥秋蟲。勞勞國民。喪若此相與歎。歎面不可仰。

而其時有心如撞鹿頭如捉蠅身子。踟躕難爲地者。則數奉清諭。招降成功之父。芝龍也。芝龍招成功不至。自問遭譴在即。不得已復遣其第三子渡于和碩。閩親王。謂當勸以父子兄弟之誼。乃以七月再頒詔書。使內院學士葉成格。理事官阿山。挾其弟齋詔入閩。九月七日。弟至于廈門。成功揮其愛絕痛絕之淚。而與弟言曰。吾兄弟

一在天之南。一在地之北。天乎。何爲而至此。明日使弟渡至安平。促使者而別。使甘輝王秀奇率水師隨往。列營數里。以示軍威。十七日。葉阿二使至。成功使二使開詔書。二使則欲成功先薙髮。數日不決。成功乃期二使以二十五日會議。先一日。二使遽忽忽去。成功笑曰。其來也遽。其去也忽。何輕佻乃爾耶。且渠固癡呆者。吾故伴爲癡呆狀。以應之。迺使鄭謙問二使以故。二使怒。逐謙而留其弟。成功乃謂參軍曰。清廷何信之有。彼其甘言重幣而爲此者。其將以賺吾父者。賺吾而已。吾何人。寧自墜其陷阱。乃作書復其父芝龍。其文曰。

兒于戊子年使王裕問候父親之安履。嗣聞父親被圍。王裕被擒。自茲以後。隻字不相通。至于壬辰。忽周繼武等以父親之書至。兒且駭且疑。其後使者相繼。乃使李德人京。嗟乎。宗國已矣。父厄于敵。母死非難。諸弟無一安者。兒以孤身僻居海隅。嘗欲效秀夫之節。脩包胥之忠。藉報故國。聊達素志。不意清廷海澄公之命。突然而至。兒不得已。按兵以示信。繼而賜四府之命。又至。兒又不得已。按兵以示信。談席未終。勅使乃曉曉以薙髮爲請。嗟嗟。今中國土地數萬里。亦已淪陷。人民數



與他本間有出入然亦詞句微異其文義固大同也下致弟書加之

又與其弟書曰。

兄弟隔別數歲。聚首幾日。忽然挾被而去。天耶命耶。弟之多方規勸。繼以痛哭。可謂無微不至矣。而兄之忠貞自待。不特利害不足以動吾心。即斧鉞在背。亦未足以移吾志。何者。中國存亡之大義。宗主死生之至情。道德隆污之巨節。兄已蓋入其心。而飲其精矣。兄之心緒。盡在父親書中。弟閱之。可以了然。昔甲申城破時。朝宮數百。皆易服迎新君即位。獨一乞人某賦詩自殉。曩讀其詩。未嘗不悲其志。兄致身宗國。將以用兵老矣。豈有旦脩包胥之節。而晚貽名士之羞也哉。惟吾弟善事父母。克盡孝道。自茲以往。其勿以兄爲念。

嗚呼。吾料成功。方作二書。時其手顫。其容慘。其身慄。以危一句。一搥。血一字。一滴。淚將以此爲完結。家庭之倫。事乎則成功。有情人方懷死母。詎絕生父。然卒以宗國大義。絕交愛父。而不敢悔。其詞怨。其心苦。或曰。是書也。所以絕清人之覬覦也。或曰。父方懷讒。茲所以救父也。吾兩存之。

第九節 鄭氏兵力擴張時期

明歲永曆正位九年矣。出孫西粵。遙與閩南海相望。一介孤臣。伏處思明。一窟地。歲朔。遙望南雲一角冠。大明之冠衣。大明之衣。僅向闕九拜。祝大明萬歲。其聲嗚嗚。堂下歌泣。潦倒不復成禮時。或書詔問至。附訊南中君臣起居狀。孤亡咨嗟相對。十回不得一笑。顏小子述史至此。亦復心悸無可聊賴。亡國之慘。其如是矣。忽忽二月。宦者劉玉自行在。至于安隆。煌々永曆帝之詔書出。陳于孤臣之前。上述報功辭。下諮復仇事。成功問行在事。如何。玉言。天帝聖明。而驕將孫可望。李定國。可怖。成功拂衣而歎曰。今宗國若此。諸將猶驕慢。爭兵恢復。何望仰天一慟。身傾于座。于是以有明三百年參養之朝。官數千人。所不可當「復仇」之重擔。昂然以兩肩承之而行。

鴻雁北飛。戰馬南嘶。二使去已遠。壯夫何日歸。成功既復父弟書。知清廷餌誘已窮。一浪三折。且洶洶有轟天倒海之勢。我無備。將奈何。于是使林察爲征南勳王總督。增砲臺。添水師。又使蘇茂王秀等五鎮。率戰艦五十隻。自海道達于廣西。行在與李定國會師。迎清兵。是年十月。劉國軒降。未幾漳州總兵張世耀降。劉國軒者。成功子。

若孫柄兵時代之一大將其人物其功名其際遇吾例之以蜀漢之姜維至是遣將分道徇郡漳屬諸邑皆來歸攻仙遊破之

遂決北上議乃使張名振爲元帥陳輝副之以二十四鎮入兵長江以戶官洪旭爲水師右軍又使王秀奇領二十鎮爲北上師團長使黃廷萬福領二十鎮爲南下師團長已而甘軍遭風入于温台降台州總兵馬心洪軍別收岑江附近地黃軍陷普甯焉星火熠熠初試原野而汪洋洪水又自北直流南下則以諜偵清軍將大舉來攻于是諸軍皆回師

警焉北顧清廷最後之招撫策洩于池電馳于空部議成功驕兵無狀反復不定恨未能即誅之洩其羞怒之毒以及其父于是赫々乎新授爵之同安侯鄭芝龍乃幽身于高墻之裏不足又幽其叔父澄濟伯芝豹于甯古塔爰整士馬繕城池遂以卅子濟度爲定遠大將軍而令多羅貝勒巴爾楚渾等率滿漢兵入閩是年十二月至于泉州而成功已斂兵廈門下令堅守各島母與清陸軍相持漳州惠安同安之城壁巍巍蓋天墜之摧之勿以資敵安平芝龍故居連牆數里洞房複壁繁麗甲于

八閩轟然一炬蕩爲死灰飛去。

未幾清軍敗蘇茂黃梧于揭陽。亡二鎮焉。十年四月。貝勒聚各澳之船。以韓尙亮爲先鋒。會師南下。成功偵知之。乃使林察七鎮等以大船十四艘泊于圍頭。使陳魁等四鎮以大船十二艘泊于遼羅。使萬禮黃安等五鎮以船十快哨十。巡游高崎潯尾及圭嶼沿海一帶地。使陳霸防南澳。使張進備銅山。使翁天祐王秀奇嚴巡廈門。部署既定。適清先鋒至于圍頭。王明等突入。擊沈清船數隻。未幾。貝勒率諸舟大至。忽狂風起于海上。平面波濤壁立。上搏無際。歷二日乃止。北來軍士但習陸戰。遭風盡解。或苦臥。或盡嘔。海面漂船如殘星浮沈。上下盡附着。金廈兩島咸被俘獲。貝勒率殘舟以遁。至是知成功斂兵。一舉殄將。以水軍勝。

而其時尙有一小小頓跌爲鄭軍前途之累者。則以揭陽之敗。成功以律斬蘇茂。罰黃梧。梧不服。與蘇茂弟蘇明。以海澄降于清。鄭軍救之不及。海澄陷。時貝勒巴爾楚渾閩浙總督李率泰方駐兵漳州。成功乃遣師乘虛越攻省城。七月。至閩安。取之。成功乃親率軍至。途中聞舟山師爲清軍所襲。悲憤交集。急圍福州。貝勒使別將阿格

商救之。而以重師襲銅山。銅山者鄭軍之重鎮也。成功聞急。遂自福州回救。阿格商尾成功軍。甘輝殺之于途。於是貝勒亦還師。

### 第十節 金陵之役

可○愛○哉○祖○國○擲○筆○西○望○自○浙○江○以○北○長○淮○以○南○大○江○橫○亘○若○練○煙○波○淼○渺○隱○隱○現○一○巨○鎮○其○地○山○水○人○物○商○賈○物○產○實○甲○中○國○則○古○帝○王○之○都○金○陵○是○也○自○今○上○溯○四○十年前○洪○秀○全○氏○起○自○廣○西○提○其○民○族○主○義○下○湖○湘○抵○江○口○設○都○會○于○茲○者○垂○二○十年○則○曰○是○地○也○常○爲○吾○國○人○守○之○今○人○度○壯○年○以○下○皆○不○及○見○見○者○亦○不○復○記○憶○風○潮○既○過○淡○然○忘○之○矣○而○惡○知○前○三○百○年○此○地○嘗○有○赫○赫○一○大○戰○爲○吾○祖○國○存○亡○絕○大○之○關○係○者○鄭○氏○金○陵○之○役○何○湮○沒○不○聞○于○今○人○也○我○請○述○其○歷○史○

白○髮○頻○催○客○中○原○正○苦○兵○匣○中○惟○一○劍○時○作○不○平○鳴○颯○々○乎○英○雄○蓋○世○之○鄭○成○功○單○身○舉○義○將○十○年○僅○盤○旋○海○南○一○孤○島○清○兵○又○時○々○來○犯○中○興○大○業○幻○如○夢○忽○如○電○計○成○事○尙○不○知○更○在○何○日○永○曆○十○一○年○四○月○成○功○大○會○諸○將○議○中○興○事○于○是○二○大○問○題○以○起○

一進取黨。此黨大旨謂吾坐困漳泉之間。未足以號召天下豪傑。蟻穴相鬥。又非吾民之福。徒召清兵耳。不如大遣將士。直犯瓜州。便取南京。閩粵浙楚。勢必響應。然後中興之業可成也。此黨以潘庚鍾爲之魁。馮澄世陳永華等附入之。

一反對進取黨。此黨大旨謂江浙地廣。非徵士數十萬。不足以縱橫如志。今率大軍進攻。貝勒等尙在漳州。設輕兵襲我金廈。我根本動搖。奚以自安。不如徐覲覲隙。以退爲進。然後聯兵兩粵。徐圖中原。天下不足平也。此黨以甘輝爲之魁。

而成功。則以報國熱血。已滴滴垂滿。唾壺居平。苦抑鬱不得志。且以凡人非具有冒險之性質者。必不足以成大事。遂決進取議。是月。使楊廷才劉九皋。自龍門間道。齎表白事于行在。而別使水師後鎮施舉。往浙江松門招漁舟爲鄉導。七月。自率舟師北上。十日至興化。十三日至狼崎。八月十三日。使黃廷等自海門上陸。降黃巖守將王戎。九月。天台諸邑悉降。而永春縣林永亦起義相應。聞閩安陷敵。乃還。是役也。實爲金陵第一次導師。

孤標之精雲。自閩迤邐入粵。上感永曆帝。帝曰。俞哉。惟成功身執大義。僻在海

隅。歲貢問不絕。今將率大軍。進圖中原。其不可無封。乃封成功爲延平王。帝又曰。俞  
 哉。惟成功諸臣。竭誠帝家。佐勞良弼。今茲進征。當益勞苦。其不可無封。乃封

祥符伯——王秀奇 建威伯——馬信 崇明伯——甘輝 永安伯——黃廷

建安伯——萬禮 忠靖伯——陳輝 忠振伯——洪旭 少傅——鄭泰

鼓鳴矣。軍行矣。揚揚進行之歌。若與兵少聲相湊。答父母兄弟妻子友戚皆手一祈

戰死一旗。走相送告曰。毋辱國!! 毋辱國!! 答曰。誓戰死!! 誓戰死!! 皆疊十指數

國民軍海波蕩蕩。前軍結隊而過。曰。中提督甘輝。從將八。鐵人五千。兵一萬。大船二

十。快哨十。右軍至。曰。右提督馬信。從將八。兵二萬。戰船三十。船十。快哨十。後軍至。曰

後提督萬禮。從將兵士船隻如右。提督數已而中軍至。蕭々黃蠶之下。延平王鄭成

功。實居中央。從將三十二。兵四萬。船船一百二十。軍行既過海天。一碧千里。猶隱隱

聞「戰死」「戰死」字。是歲。成功駐師磐石衛。

大江一角。自鎮江至瓜州水面。才十里。粗堤如鯁。亂石如繡。上有柵柵。有穴射者。伏

如螿。忽對岸候馬疾騎。而過。諜報鄭軍。以十二年六月十六日。蔽江而下。海舟三千。

數百如緘。如蟻如野。馬如游龍。列布江面。歷亂不可辨清。曰速施砲。鄭曰速進。軍毀堤斷。柵一躍登岸。陷瓜州。迫鎮江。而清將管效忠以萬五千人至清。以騎鄭以舟岸。上下貫穿如梭。如織。一日二日三日少焉。舟中人露身騰躍。旗別紅青白黑黃色。此則仰彼則仆。東或進西或卻。忽鄭軍背後黑煙冉冉而起。鐵人如風行如山。立白旗。開處火龍數十奔清軍。清軍下其潰如亂流。但餘白骨黃沙。杳無騎跡。

清風徐過。峴石山儼列。几榻成功。乃率文武官列級而登。以吉服祭太祖。以縞服祭先帝。大呼高皇。籲我高皇。籲我賴先帝靈。臣長征矣。嗚咽啜泣。雨層層如淚。成功撫景悵然。廼繫以詩。詩曰。

黃葉古祠。裏秋風寒殿。開沈沈松柏。老暝暝鳥飛迴。碑帖空埋地。社階盡雜苔。此地到人少。塵世轉堪哀。

而是時二黨進兵大問題。又起于主將之座前。進取黨議疾取金陵。反對黨議坐鎮瓜州而成功方奉「冒險」字爲軍行之目的。仍決進取議。七月進攻金陵。用久困之計。而清援軍皆以次來會。又遣諜餌成功。願假三十日來獻城。梁化鳳者。敵中驍將。

也。窺鄭軍獅子山一營獨虛。攻勝之。明日復戰。鄭軍左右不相救。敗。再戰。遂大敗。亡甘輝等以下十四人。成功倉卒以舟遁。嗟嗟。出師未捷。淚承英雄之襟。秋風正寒。怨入胡兒之笛。而成功卒投袂止泣。亟亟厲將士。簡車馬。誓不能復仇報國。不止。

### 第十一節 鄭氏兵力再振時間

烏呼。誰謂中國民無民族觀念。三寸之舌。一尺之紙。填塞夷夏。咳嗽華戎。羅羅而不可數也。而奈何未聞有以民族立國也。舌既擣矣。筆既禿矣。一般絕對之名。祠有如泰山之雲。不崇朝而遍天下。鄭氏金陵之役。吾豈無以徵之。彼之將。彼之師。彼之運謀而操算者。何一非吾中國民也。彼之視鄭氏。猶一人而已矣。猶逆民而已矣。一人則易侮逆。民則當誅。而鄭氏適以是時提單弱之國民軍。以與數萬萬順民搏戰於危巢之下。夫安得而不敗。夫安得而不敗。

既敗。清主將遂滅鄭氏。明永曆十四年。即清順治十七年。清主命將軍達素。率滿漢兵。至于福州。與閩浙總督李率泰會議征討。時維五月。南風正強。江浙處閩東北。不利於帆。兵行惟粵東便。乃命兩廣督臣李棲鳳。及碣石總兵蘇利。南洋總兵許龍。饒

平總兵吳大奇來會師。

而成功則自金陵歸。生平北伐之壯志數年豫備之全力一旦消歸于無何。有之鄉獅子山下之露揚子江頭之泡影殆未足例其境遇。仰天長嘆。吾皇孫居南粵。吾國民播遷流離。皆惟吾一人罪。乃遣李明世赴行在。謝江南出師無功。自貶王爵。納招討大將軍印。嗚呼。七十二戰。無不利。忽聞楚歌一敗。塗他此項羽。身死烏江。之故蹟。歷史氏蓋嘗聞之。雖然。未足以律吾英雄也。惟英雄不呼天不咎命。彼孤抱一單獨之主義。其成則曰國民之福。不成則以神以靈。雖歷萬萬歲而不能消滅者也。故鄭氏雖自金陵敗歸。其志氣未嘗少挫焉。

先清師來攻之。四月。偵者已達報廈門。成功與諸將議曰。敵整船來攻。必以五月。五月南風強。不能行兵。其來必以粵東。乃檄南澳總兵陳霸治舟。檄張進自銅山出援。船援南澳。二月。命丁官馮澄世大治戰艦。四月。命林察爲水師提督。命王秀奇守高崎。黃安等守金門城。陳鵬守五通。周瑞等守南山。而自率陳堯策洪天祐駐軍於鼓浪嶼以待。

清既來攻。鄭復備戰。吾料讀者至此。目爲之灼灼。神爲之奕奕。皆注意於清鄭之戰事。吾姑爲問評可乎。有能述清鄭兩軍之優劣者。曰。夫戰。未有不因於歷史地理。而或能詭爲勝負者也。以歷史言之。清以二十餘人。突起滿洲。素習騎射。入關以來。益踔厲奮發矣。而鄭則自父芝龍已稱霸海上。成功又生長海國。往來於日本中國之間。亦復以數其所長。以舟以地。理言之。北地多曠野。利用騎南。閩濱海。利用舟。故清必以陸軍勝。鄭必以水軍勝。而不觀金陵之役乎。不信。請驗後役。

滿將軍達素既約諸將會攻兩島。以五月十日出泉州。命黃梧出海門應之。成功乃以令徇於軍中曰。凡未得將令而備戰迎敵者。死。時周瑞方守南山。偵黃梧舟師大至。急切不能待命。遂率衆奮戰。敗。陳輝繼至。又敗。成功聞周瑞等已覆軍。顧左右曰。流平乎。皆曰。平。成功曰。流平則潮轉。潮轉則風隨之。吾當以風戰。遂縱砲約各鎮。出師。日方卓午。大風起于海上。潮頭蜿蜒南來。如游龍。鄭軍挾之。而與鄭泰自浯嶼進。與馬信洪旭夾攻黃梧。梧軍處下流。軍大潰。陳鵬者。鄭氏虎銜將也。已納款清師。比戰。鵬軍赴高崎。其部下不知鵬所爲。遽發砲擊清兵。殿兵鎮陳璋當其前。吳豪斷其

後大敗之鄭氏乃全軍而還。是役也。清將軍達素。總兵施琅。僅以身免。至于福州達素遂自殺。

## 第十二節 台灣之根據

距今癸卯十年。實惟甲午之歲。西方共和國。民所謹呼。擁戴之稱。號曰「伯里璽天德」。忽出現於我中國南部海外一孤島。時則滿洲方構兵日本。償款不已。繼以割地。巡撫某以諸將推戴。遽據島自主。俄德法三國。已行文公許獨立。先約文未至之三日。某以故倉皇內渡。于是台灣卒爲日本有。吾中國昔日僅留之乾淨一片土。或授之。或受之。我國民曾不容一喙于其間。『回首山河非只有夕陽好』千古傷心人。同茲悲憤。抑我國民神經薄弱。往史皆不善記憶。苟不然。曩者鄭氏進攻台灣之紀念碑。猶歷歷在目。明亡中原淪陷。而猶有奉明正朔爲我中國留民族名號。二十年者亦實惟島民之功。我國民奈何忍棄之。過台灣館門（今歲日本開第五回勸業博覽會。內有台灣館。所陳皆台灣舊俗。至以台灣女充侍酒之役）安得不爲故將軍一痛哭也。

請述臺灣史。臺灣孤縣海外。其地多硝磺。素未通中國。鄭芝龍昔嘗占領其地。漸入中國矣。芝龍果有大志當關。其地爲新立國。西方華盛頓由此其選也。而奈何歆於將軍總兵之名號。舍臺灣人閩。又委棄故國。踉踉北去。哀哉臺灣之民。乃輾轉奴屬於異族者有年。

其初爲日本。芝龍旣北去。日本邊民素出沒海上者。遂乘間占有其地。于是其地爲日本地。其民爲日本民。

其繼爲和蘭。初臺灣改隸日本。適德川氏當國。德川持鎖國主義。不復措意遠畧。乃借其地于和蘭。約歲輸鹿皮三萬。和人乃征土番。造夾板船。又開互市于鎮城外。以兵千人守之。于是其地爲和蘭地。其民爲和蘭民。

而是時適鄭將軍成功。大舉北伐。不得志而返。念舉義十有餘年。越在草莽。未嘗復尺寸土。金廈僅濱海。二孤島安能鬱鬱久居。此哉精誠上訴帝釋。應之何斌者。中國產也。職日本甲螺。與和蘭酋長隙。以永曆十五年正月袖臺灣地圖來廈門。見成功。曰。臺灣沃野千里。實爲伯王之區。得其地足以王。收其食足以富。雞籠淡水之間。有

硝磺等。且橫絕大海。便通他國。因歷指臺地要害。成功啣之。次日。成功集諸將議曰。『吾所以滅親從君與諸卿共戎行者爲復讎計耳。金陵表師軍孤地。敵若會南北水師來攻。度諸將之力亦足剿滅。然孤島片嶼。不足以資中興。臺灣去中國雖遠。進連金廈。退撫諸島。相機進取。亦未爲晚。』乃使陳霸守南澳。使郭義蔡祿守銅山。禦南軍。使鄭泰守金門。禦北軍。以長子經爲監國。駐兵廈門。使洪旭黃廷王秀奇林習山輔之。遂祭天決征臺議。

明永曆十五年二月三日。明延平郡王鄭成功征臺灣。四月。至于澎湖。登天妃宮。使陳慶等守之。七日。成功下令軍中曰。『本藩矢志恢復。未敢一日忘北征以來。喪師辱命。自惟保守孤島。進取無日。今將冒波濤。征荒服。諸將有能爲中國闢新土者。其從。』乃役水夫以篙探水深淺。水漲倍平日丈餘。舟行利甚。使何斌按圖歷指險要各地。軍行紆迴。達于鹿耳島。

和蘭之據臺灣也。築二城焉。曰赤嵌。和將裴納雪汀守之。曰鯤身。和將索伊渾守之。自西人略東亞土所至。皆以宣教通商爲名。其教士其商人皆以軍人充之。故常以

宗。教。商。業。爲。軍。事。及。政。治。的。侵。略。之。主。動。力。有。行。于。二。百。餘。年。以。前。之。中。國。者。實。惟。和。蘭。成。功。既。進。軍。鹿。耳。島。整。隊。登。陸。薄。赤。嵌。城。裘。納。懼。使。使。乞。援。于。鯤。身。十。日。成。功。使。譯。者。告。裘。納。『不。降。吾。將。火。城。焉。』于。是。裘。納。降。而。索。伊。氏。已。遣。將。黎。英。來。援。成。功。使。黃。昭。以。銃。手。五。百。連。環。燻。二。百。門。往。鯤。身。迎。戰。又。使。楊。祥。側。擊。之。兩。軍。互。有。勝。負。八。月。索。伊。氏。盡。衆。來。次。成。功。使。黃。安。禦。之。于。陸。而。自。督。水。師。迎。擊。大。敗。之。獲。夾。板。船。一。小。艇。三。十。一。月。陳。宣。以。水。師。燒。和。蘭。船。三。艘。成。功。乃。使。譯。者。告。索。伊。氏。曰。『此。地。昔。爲。太。師。指。芝。龍。練。兵。之。處。今。藩。主。親。來。收。領。念。爾。等。遠。來。不。忍。加。害。珠。玉。珍。物。惟。爾。所。有。倉。廩。兵。藏。毋。許。擅。用。若。執。迷。不。悟。明。日。當。以。薪。硝。火。而。城。』索。伊。氏。懼。乃。乞。降。十。二。月。三。日。成。功。大。放。和。蘭。人。于。台。灣。台。灣。平。

#### 附鄭成功經營呂宋事略

成。功。既。據。台。灣。是。年。西。歷。一。千。六。百。六。十。二。年。使。義。大。利。特。密。根。僧。利。克。西。氏。爲。使。節。兼。密。使。至。于。瑪。尼。拉。府。陽。勸。西。班。牙。特。派。呂。宋。太。守。入。貢。利。氏。以。歐。洲。教。僧。又。東。洋。冒。險。者。之。地。位。又。以。支。那。使。節。之。資。格。既。至。新。培。伊。太。守。頗。表。敬。意。既。

而密書事發。(時成功以密書贈于留滯瑪尼拉府之支那人勸其從鄭氏此書爲利氏所携往者)太守以全島兵集中于瑪尼拉府。五月六日。更下令毀撤模坡阿愛利根等三城。大增軍備。同時。斯塔伊人威嚇支那人之移住者。支那人怒殺斯塔伊人無算。遂與斯塔伊太守開戰。敗。其幸全者逃于台灣。留者僅八九千人而已。既。瑪尼拉府商業以戰禍大遭恐慌。太守意求支那人之回復。乃還成功使節利氏于台灣。遂媾和議。已而成功病卒。南征之師。遂不可復。(見勸敷阿仰氏所著非利賓島誌)

乃使鄭省英爲東都府府尹。自率何斌馬信等。巡歷各地。仿中國兵農合一之制。盡以地給各鎮兵。責令開墾。三年。定上中下三則課賦。以其七給兵士。以其三爲國用。遂改法制。興學校。計丁庸。養老幼。台民大集。嗚呼。國民軍壯哉。國民軍壯哉。爾堂以「中國」字上冠于台灣中原已矣。而爾猶恭奉明朔。迺大徧于台灣之一隅。歐人東侵。惟黃人恥而爾手和蘭遠征之凱。旗鼓聲。皦皦與海潮相酬。答壯哉。國民軍。嗚呼。壯哉。國民軍。

## 第十三節 鄭成功之終期

使我中國民而深審民族之大義。孤抱一寧死勿辱之苦節。則人人可以鄭成功。即不然而或憚於勝廣之首難。寧隱忍蝘伏以待時變。則成功屢舉兵北上。自閩自浙。自金陵。其君子玉帛以歸。命其小人簞食以迎師。又隨地可以爲台灣。而當時果何如。吾料當時人聞鄭成功平台灣有詛咒之者矣。賀之者蓋萬不得一也。詛咒之者。吾徵其天良之已死。尙復何辭。賀之者猶有人心焉。雖然。何賀焉耳。成功者非退守之人。而進取之人也。非持重之人。而冒險之人也。其得台灣也。吾不知成功悲何極矣。以龍騰虎跳一壯年而困之於孤零。窺遠又諸待草創之台灣。吾弔之且不懈。而又何賀焉。故賀成功者尙未足以知成功。

清人曰。敵強矣。國民曰。事亟矣。蹙蹙乎和蘭遠征之戰鼓。尙未閔滅。而一慟百號之警報。已隨北來腥風以俱至。成功心如刺。體如割。天也不良。何虐人一至於是。吾叩之。是蓋有三大恨事。同時激刺于苦英雄之心胸。叩之天地而無天地。決之國民而無國民。淚滴於腸。泣飲于腹。三十九年之心事。其爲夢也歟。哉一號三踊。吾不知人。

間之。有。何。樂。矣。吾。因。求。成。功。於。寤。寐。之。間。而。得。聞。其。三。大。恨。事。之。哀。辭。

其。第。一。恨。曰。吾。君。乎。吾。無。君。猶。無。吾。其。爲。無。君。之。人。乎。

明。永。曆。帝。十。六。年。四。月。吳。三。桂。弑。永。曆。於。雲。南。初。永。曆。帝。蒙。塵。在。外。其。臣。孫。可。望。李。定。國。爭。政。孫。可。望。降。于。清。從。臣。多。叛。去。帝。不。得。已。入。緬。甸。緬。酋。叛。檻。帝。以。送。于。三。桂。尋。被。弑。李。定。國。憤。死。帝。之。即。位。也。太。妃。王。氏。以。帝。仁。柔。無。撲。亂。才。不。之。許。瞿。式。耜。強。推。戴。之。既。國。勢。益。敗。壞。其。臣。兵。部。司。務。林。英。削。髮。爲。僧。自。雲。南。遁。入。台。灣。告。成。功。以。故。且。述。帝。蒙。塵。被。害。狀。成。功。臣。馬。信。等。請。捨。正。朔。成。功。不。可。曰。閩。滇。相。越。遼。遠。頃。林。英。自。雲。南。來。或。亦。傳。聞。吾。誓。不。信。此。僞。說。如。卿。等。言。聖。駕。若。在。將。如。何。且。吾。崎。嶇。十。餘。年。將。以。爲。故。國。也。敢。有。言。此。者。以。故。國。叛。臣。論。諸。臣。遂。默。然。故。自。永。曆。被。害。後。猶。有。奉。永。曆。正。朔。者。台。灣。也。

其。第。二。恨。曰。吾。父。乎。誰。使。余。而。爲。無。父。之。人。乎。

先。是。鄭。氏。將。黃。梧。叛。成。功。以。海。澄。降。於。清。成。功。發。其。祖。父。墓。梧。怨。時。芝。龍。方。幽。于。寧。古。塔。梧。說。閩。督。李。率。泰。曰。不。殺。芝。龍。凡。海。上。僞。將。之。來。投。誠。者。意。且。不。堅。且。無。

以死成功心。率泰以聞。上嘉納之。既而鄭氏之家人伊大器告芝龍與成功通書。信將爲不軌。于是芝龍及其子世恩世廕世默以下十一人之在于京師者皆棄市。時永曆帝十五年十月也。翌年正月。凶計至于台灣。成功頓足哭踊。望北慟哭。曰。吾父果聽兒言。何有今日。自此成功每憂憤形於辭色。

其第三恨曰。吾鄭氏之先靈乎。以成功之不肖。無以安先靈心。而令先靈不安於地下。嗚呼。吾其爲無祖之人乎。

先芝龍棄市之二月。黃梧毀鄭氏之祖墳。暴橫無所不至。成功聞之。切齒而詈黃梧曰。生者有怨。死者何仇。父被殺矣。祖墓毀矣。吾治兵而西。誓先磔黃梧屍。雖然。吾沿海五省之人民。聞有避亂恐暴而遁走者。以吾留數莖之髮。而累及于吾生靈。吾之過也。夫由是大舉之意益堅。

痛矣哉。成功齎此三大恨。事訴之天地。而天地不之應也。訴之吾國民。而吾國民又不之應也。仰首北望。吾祖國之所在。而奈何鬱鬱以居於茲。土天厭朱德久矣。十餘年來。潮流之所衝擊。風雨晦冥之所震盪。其英雄之淚之血。歟。其吾祖國數千年生

育長養之德澤而猶有涓滴未絕者歟乃卒以後永曆帝被害之二月其父芝龍棄市之七月其祖墳發掘之十月而我所謂中國愛國者鄭成功者竟長齋此三大恨事而永謝此三十九年以後之天地

其時爲永曆帝十六年五月八日先朔日成功病日益不起越七日強起冠帶出明太祖之祖訓禮畢命左右進酒繹一帙飲一杯焉至三帙成功嘆曰吾何面目見先帝於地下乎以兩手覆其面而薨嗚呼自成功之生迄長辭吾祖國之歲凡三十九年其初生養於日本七歲入中國二十三歲舉義師至于其薨凡與清構難十七年其距今歲又二百二十餘年之久且遠也嗚呼吾心痛

#### 第十四節 鄭經之苦節

東海之濱神仙長生者之所居猶憶有成功一若弟時時迴首西望願爲祖國効力卒不得達永淪異國者其人否初成功母田川氏之入中國也成功有幼弟曰次郎左衛門年十六矣留于日本之長崎冒母姓曰田川氏改名七左衛門聞母死于泉州大感憤親詣江戶陳願赴明佐成功報母讎狀幕府許之乃以書達成功述其意

成功亦以書報。今摘記成功書札中之一篇。其文曰。

我年來與□征戰。□被殺不可勝計。今年五月間（日本宮崎來城所著鄭成功云所署今年五月未記年號成功起兵垂二十年而以五月用兵者有二一爲明永曆七年一爲明永曆十四年十四年之役成功迎擊李率泰及達素于島上破之然未聞有割地求和之舉至七年之役成功攻金固山于海澱破之清以是月封成功爲海澱公招撫甚力此所指者或即是役）復大殺□兵滿洲□斬殺已盡自□入中國未有如斯挫敗者□甚驚怕自請割地求和中國在我掌中矣吾弟能手加額否緣我日事戰勞無一暇晷今年失寄銀兩付用中懷歉歉。誠東來船。即寄來銀五百兩。吾弟可察入收用。極欲致敬國王以□氣未灰途阻梗無處可辦大禮物件若微物致意恐非我大体面故未有以相將今□已乞和容來日購求以奉想國王必能諒之（下略）

七左衛門既負有歸國復讎之志。徒以船舶未便。飲恨于東海之一隅。聞成功死。又請於幕府乞歸國。（其訴狀前後凡十餘通茲略不載）其後沒於長崎。有子曰道順。

復姓鄭。七左衛門請渡海入明也。道順欲從事不成而罷。後來江戶。住吳服町。以醫爲業。不仕以終。猶曰我明國姓爺之弟之子也。

使七左衛門而得歸。明佐成功乎。則成功事業。或更發達其死也。或繼其位。春秋大復讎之義。吾且以是徵之。瀛海未波。大星忽隕。危乎千鈞。一髮明延平郡王之繼。統不於其弟。必於其子。凡非立憲國君位繼承之際。其可危皆此若也。而其時成功長子名經者。乃急自廈門以入於臺灣。

然清廷則以明帝已崩。元惡已死。其子幼。其國土蹙。又國內多難。不乘機攫取。終釀禍爲中土。憂靖南王耿繼茂總督李率泰。廼以書招經。而是時鄭經方聞永曆訃。北向痛哭。稱明永曆十七年。欲恢復國土。繼承先業。得清將書。誓拒之。于是島南戰雲復。葱蔥鬱鬱以起。

和蘭者鄭敵也。其水師將曰撲德。居印度勃達皮亞地。聞清兵攻臺灣。以戰艦十六。水兵千二百八十六。陸兵千二百三十四。從於是。李繼茂李率泰郎賽出泉州。馬得功出同安。黃梧施琅出漳州。鄭將之當之者。惟周全斌。海波湧飛如黑山。立紅夷大。

砲○紛○馳○如○流○星○全○斌○挾○矍○矍○奮○擊○手○及○馬○得○功○擲○其○首○于○清○舟○舩○既○清○軍○益○大○至○經○師○退○保○銅○山○失○金○門○梧○嶼○二○島○焉○此○役○也○以○和○蘭○水○師○故○終○不○得○勝○而○和○蘭○亦○不○能○遂○得○臺○灣○以○爲○印○度○商○會○有○則○全○斌○之○力○居○多○焉○

清廷知鄭氏之不可驟拔也。休兵而歸。自此休養生息。凡七年。明永曆二十三年。清將又以書招經降。經以書復之。

其復李率泰曰。

(上略)所云夷齊田橫等語。夷齊千古義高。未易齒冷。即如田橫不過三齊一匹夫耳。猶知守義不屈。而况不佞世受國恩。恭承先訓者乎。偷以東寧不受羈縻。則海外列國。如日本琉球呂宋廣南。近接閩浙。豈盡服屬。偷以敝哨出沒爲虞。實緣貴族臨江。不得不遣船偵邏。若夫休兵養民。以免生靈塗炭。仁人之言。敢不佩服。至于厚爵重祿。永世襲封海外。遺臣無心及此。

其復明珠書曰。

(上略)不穀恭承先訓。恪守丕基。必不棄先人之業。以圖一時之利。唯是生民塗

炭。惻焉在念。倘貴朝果以愛民爲心。不穀不難降心相從。遵事大之禮。（時經擬用朝鮮事例）（下略）

故此十年間爲清鄭息爭時代。當是時。地不過孤島。衆不過二萬。經任陳永華爲政。頗雜儒雅。務與民休息。兵力亦漸充實。又以諸將之易叛也。分之土地。奮以忠義。天南無雲海濱。不浪花滿。昔時之壘人習故國之俗。自此生養教訓。以迄於明永曆之二十七年。

### 第十五節 吳耿尙三王與鄭氏之關係

欲明鄭氏之所以亡。當先知三王之所爲。與三王與鄭氏之關係。

三王者。何平。西王。吳三桂。平。南王。尙之信。靖南王。耿精忠也。何以謂爲王。曰。清以其能亡明而封之也。亡明者衆矣。何以及三王。曰。三王者。已覆明。欲復明。而其終并鄭氏而覆之也。鄭得三王。或且謂助長勢力而曰。且覆鄭者何也。曰。鄭氏以十餘年休養之力。一洩之于三王。又是時。清已棄鄭。卒以三王而并及鄭氏。是速其亡也。故就其終始關係之點。而區分之爲三時期。

# 檄

第一時期。三王舉兵。及與鄭氏之合從。三王之覆明也。以自王其復明也。以自帝而其主動爲吳三柱。是時吳據雲南。貴州。四川。耿據福建。尙據廣東。其地連巨西南。占中原之半。吳以據地廣。且經歷久。故以康熙十二年十一月起兵叛清。遂遣使告耿尙。耿尙應之。又遣使告鄭氏。於是以翌年四月。鄭經以檄告天下。檄文甚長。茲略。一時採薇之客。蹈海之子。所在消匿。山洞各以千人。二人相率奔走于三王之麾下。至是合從抗清之策以成。

第二時期。耿鄭交惡。與其媾和。耿鄭以起兵異趣。故壤土相接。故遂生種種衝突之原因。

- 一、經束遷後。安逸日久。故兵甲鈍敝。舟亦不多。耿以爲易侮。欲離鄭氏。獨自進取。
- 二、經向耿借漳泉二州地募兵。耿難之。
- 三、耿使海澄總兵趙得勝起兵。得勝不役。降於經。經授得勝爲興明伯。左都督耿銜之。

遂搆兵鄭將取同安。降守將張學堯。王進者。清勇將也。降于耿。王進功子藩錫。遂之。

廷

以降于鄭。進功亦尋降。于是耿命進與鄭師爭泉州。是時合從軍且解散而吳三桂之仲裁大使適至。是年十月吳命禮曹周文驥平耿。鄭時耿鄭方戰于興化。得三桂命以強敵未滅內相爭非謀。各議罷兵。翌年正月耿遣使臺灣正疆境以楓亭爲界。通。好。脩。婚。姻。焉。

第三時期三王降滅與鄭氏之孤立。自合從軍與清建大震。幾殆矣。然未嘗合圍。又未嘗各以兵北向清建。得分兵應戰。且又以各有顧戀也。

尙雖約合從。然不敢出兵。又翻覆無常。其弟之孝。又不從命。清援爲平南將軍之信心動。乃以康熙十六年再降於清。至十九年被誅。

耿雖與鄭通好。內實不嫌。十五年八月耿出兵仙霞嶺。其將士大半亡歸于鄭。耿氏故封日漸削滅。清改其外鄭攻其內耿。憂憤不知所出。適清康熙親王招耿。耿遂降。時亦爲康熙十六年。

是時清以攻耿兵攻鄭。鄭氏將屢敗。經遁入臺灣。鄭去而吳三桂益孤。康熙十七年八月三桂死。其孫世璠立。兵力益弱。清得專意於鄭氏軍。

綜此三時期前後凡五年而合從軍解而其影響及於鄭氏者則使清建對於鄭氏而生二大主義。

第一爲棄地主義清將賴塔主之方經歸於台灣也賴塔以書與經曰。

自海上用兵以來朝廷屢下招撫之令而議終不成皆由封疆諸臣執扼台地本非中國版籍足下父子自關荆棘生聚教訓有年於茲本朝亦何惜海外一彈丸地不聽田橫壯士逍遙其間乎今三藩殄滅中外一家若能保境息民則從此不必登岸不必易衣冠稱臣入貢可也不稱臣入貢亦可也以台灣爲箕子之朝鮮爲徐市之日本于世無患於人無爭而沿海生靈永息塗炭惟足下圖之。

第二爲略地主義清將姚啓聖施琅等主之姚屢阻梗和議施本鄭將善水戰亡歸于清自陳台灣必可取之此主義屬于外臣者多。

而使清建從第二主義以行者其分因則以經對於第一主義而要求海澄爲互市之地至其總因以是時海外孤島又忽有意外之風雲而與清廷以大好機會國家多難重以內憂明王不興既傷逝者嗚呼此何事此何事吾聞之故國民明招討大

將。董。鄭。經。以。歸。台。後。五。年。即。永。曆。三。十。五。年。正。月。率。於。台。灣。之。東。寧。府。

### 第十六節 台灣亡

嗚呼。我擲筆何忍言成功之卒也。年三十有九。經之卒也。年三十有五。吾國民前途之運命。隨鄭氏盡矣。南溟巨浸之中。縣延故明。正朔垂二十餘年。天厭朱德元。臣隕喪。吾國民奈何無滴淚以灑之。經之卒也。其長子克塽。次當立。克塽嚴肅沈毅。有成功風。或曰非鄭氏子。迺立其次子克塽。克塽者頑兒也。

於是清廷偵知之。且用兵矣。顧以南征遼遠。動輒喪師。風濤險惡。可怖。北人南來。不諳水戰。遲之又久而未得。水軍將其人。越二年。以閩督臣姚啓聖之薦。授萬正色爲陸路提督。施琅爲水師提督。內外決議。以明年大舉攻台灣。

時鄭氏水軍將曰劉國軒。國軒素有將略。行軍略仿成功。永曆三十二之役。國軒嘗以寡兵亡滿漢士卒三萬餘人。聞清師且大至。定以澎湖爲第一防禦地。募集民兵。脩整戰艦。自媽祖台嶼以次。列砲城二十餘座。沿海設短牆。置矢石。連亘三十餘里。厲兵秣馬。以待大戰。

明年六月。清大軍發自銅山。國軒自督兵二萬應之。既戰。南潮漲盪如山。清軍前鋒船衝折不可收拾。國軒乘之。清前鋒軍藍理傷焉。十八日。清進取虎井嶼。明日。施琅誓師分兵大進。壓清師而下。戰酣。自辰至申。清兵勢益勵。國軒敗。急乘舸自吼門佚。清軍遂得澎湖是役也。鄭氏失部將一百六十五人。士卒四千八百五十三人。戰艦二百餘艘。兵盡力竭。殆不可戰。

已矣。故明四百年之餘。烈鄭氏三十餘年之辛苦經營一朝。乃大去。越一月。鄭克塽遣馮錫珪陳夢煒。齎降表以投于清將施琅之軍。附繳延平王金印一。招討大將軍金印一。公侯伯將軍銀印五。版籍數千里。戶口百餘萬。琅馳奏清廷。清主許之。授鄭克塽漢軍公。以下有差。自鄭成功起義。凡三世三十八年。迄明永曆三十八年。台灣亡。

嗚呼。吾聞之。台人台之。南安成功廟在焉。廟有像。相傳甚肖。成功距台亡十七年。清以成功明室遺臣。非亂臣賊子。詔改葬成功。及子經于南安。今日台南。南安兩地間。鄭氏遺裔猶綿綿衆且多也。

第十七節 鄭氏亡後之台灣

自甲午以前凡吾中國之民始終不負我祖國者台灣人也始鄭亡之年迄甲午之歲中間僅二百年而台人奮身思起求復鄭氏之基業者歷史氏猶能道之請述其概略可乎。

第一 康熙三十五年七月台南新港人吳球擁朱祐龍爲主稱朱明後裔起師事發被誅。

第二 康熙四十年十二月諸羅人劉却謀起師先時置樟腦屋瓦間中夜焚之台人大感動推却爲盟主翌四十一年二月事平。

第三 康熙六十年台人朱一貴自稱故明後裔四月舉兵羅漢門迫台灣府城時在台文武吏爭遁同時南路杜君英起于淡水北路賴地起于諸羅七日全台悉定一貴自稱中興王改元永和既閩督滿保水師提督施世驄南澳總兵藍廷珍討之一貴被擒越二年乃平。

第四 雍正九年三月鳳山人吳福生起師越一月平。

第五 乾隆三十五年九月台南大穆降民黃教據岡山謀亂翌十月平。

第六 乾隆四十八年漳人嚴煙至台灣創立天地會未幾徒黨瀰漫全台其北路（諸羅彰化間）以林爽文爲主其南路（台灣府城以南）以莊大田爲主五十二年十一月南北路相應起師林爽文置盟主府于彰化改元順天五十二年十月陝甘總督福康安討之十一月林爽文被擒未幾莊大田亦就縛十二月平。

第七 乾隆六十年二月天地會員陳周全起師于彰化未幾平。

第八 嘉慶十年海寇蔡牽掠福建沿岸乘間入台灣自稱鎮海威武王改元光明五月寇竹塹十一月犯淡水遂襲鳳山東港翌十一年三月犯噶瑪蘭（今宜蘭）之烏石港敗遂遁去。

第九 嘉慶十二年九月朱潰據噶瑪蘭之蘇澳以起師未幾遁去。

第十 嘉慶十六年高夔起師于台北之柑園事發被誅。

第十一 道光二年噶瑪蘭人林永春起師未幾平。

第十二 道光四年十月鳳山人許尙謀起師事覺被誅其黨楊良斌自稱元師

攻鳳山城未幾平。

第十三 道光十二年十月嘉義人張丙起師自號開國大元帥改元天運圍嘉義城翌十一月平。

第十四 咸豐三年鳳山人林供起于漳泉地方奉洪秀全天德年號自稱鎮南大元帥犯鳳山城五月犯臺灣城七月平。

第十五 咸豐四年八月噶瑪蘭人吳璫起師占領廳城自爲廳長越月平。

第十六 同治元年三月載萬生起師陷彰化城自稱東王同時林懋晟自稱南王翌二年九月就擒三年平。

第十七 光緒十三年八月台人施九段舉兵彰化圍其城北自牛罵頭西自鹿港一帶皆應之翌月平。

其終 光緒二十年清日開釁和成以臺灣全地讓于日本時台撫唐某自稱伯里璽天德守之未幾遁歸臺灣再亡。

光陰如駛忽忽二百數十年前于此之臺灣爲何屬後於此之臺灣爲何屬披圖檢

視其色。再易吾國民。何未之見。憑弔城郭。歎歎。昔騷人墨客。連袂雜沓。而求所謂愛國士夫。如瑪志尼。古魯家。阿圭鴉度者。流吾國民。何未有其人。吾國人。負有文明古國民之資格。又優占膏腴沃壤。廣大無垠之國土。東亞盟主。未遑多讓。而顧使國勢日益窮蹙。以如今日歐洲。入十九世紀。生息蕃殖。已無餘土。乃發明所謂殖民主義者。流爲學說。著爲政策。莫不鷹麟鸚鵡視。驤騰虎步。各以其相當方法。集中於亞東大陸之一隅。今日吾國內地。自東自西。自南自北。何片地絕壤。非此主義之所流行者。而吾國民。何猶未之覺。嗚呼。吾國其無國民也。耶。其真亡也。耶。凡國大患。莫無國民。若國民者。國之幹也。使有國民。雖無國。而亦國。使無國民。雖有國。而亦不國。臺灣已矣。自餘四百餘州。吾宗祖之所廬墓。孫子之所田宅。奮袂而起。吾國民將何以處之。嗚呼。其存其亡。事在今日。豈有他哉。自決而已。

于是傳鄭成功。旣終。廼敢告我國民。曰。吾悲臺灣。非僅悲臺灣。實悲中國。傳鄭成功。非僅傳鄭成功。實傳我將來無量數之國民。我之所言。止于此語。遂輟筆。

# 鄭成功世系表附

鄭達德

壽 寶紹

祖

芝 龍

成 功

經

克 壘

鄭氏世居

福建省泉

州府安南

縣之石井

其家世不

可考據台

灣外記成

功高顧名

達德故系

始于此

日本朝陽

善庵鄭成

功傳碑云

壽養爲府

接

字翔宇爲

明泉州太

守蔡善繼

庫吏妻黃

氏生四子

字飛黃後

號飛虹將

軍又號平

月老一官

年二十至

日本墾田

川氏尋入

閩合顏思

齊黨爲寇

崇禎元年

降明以平

海盜功屢

遷至三省

總戎大將

軍明亡歷

武建號福

州芝龍佐

之尋降清

清將挾之

北上幽子

寧古塔永

曆十五年

十月殺誅

芝虎

見專傳

七左衛門

日本田川

氏出幼名

次郎左衛

門後改今

名田川氏

歸明七左

衛門留長

崎問母死

詣江戶請

赴明不果

成功沒請

赴明又不

果後沒於

長崎子曰

道順後姓

鄭不仕而

終

世恩

芝龍既降

請於清主

留世恩於

字元之一

名錦永厝

二年生母

董氏成功

門得報還

入台嗣成

功後永厝

三十五年

薨年三十

五事附見

成功傳

本姓李經

妾林氏物

養之經不

知及自屢

門敗歸以

國事付克

樂經覽諸

弟攻克壘

非經子遂

奉經嫡母

懿氏命收

監國印陶

之別室諸

弟尊使人

殺之

克壘

克壘既破

殺克壘以

次嗣經康

照二十三

年降清封

漢軍公經

凡生六子

長克壘次

初陽善庵 鄭成功碑 鄭芝龍聞 顏思齊起 兵歸途知 父已死諸 弟入其黨 鄭氏記事 云芝龍與 弟芝虎共 入振泉黨 振泉思齊 字也尋隨 芝龍歸明 從平國寇 劉香死之  
 南安稽主 許之後又 入京芝龍 棄市時同 被誅  
 隨芝龍降 清入北京 明永曆八 年即順治 十七年赴 閩招成功 尋歸芝龍 棄市同被 誅  
 鴻逵 幼從芝龍 尋歸明隆 武立爲定 西侯加太 師尋拜大 將軍隆武 欲親征鴻 達阻之尋 拜大元帥 出浙東不 進隆武二 年進封漳  
 世忠 均與世恩 同入京芝 龍棄市時 同被誅  
 世襲 留成功營 及成功病 台灣諸將 以世襲爲 護理成功  
 世廕 世渡 均與世恩 同入京芝 龍棄市時 同被誅

鄭成功傳

國公改定  
國公及成  
功起兵馮  
遠以兵屬  
成功自隱  
于白沙以  
終

芝豹

隨芝龍降  
明隆武建  
號封濟澄  
伯永曆七  
年即順治  
十一年清  
封芝豹爲  
提督於是  
芝豹同芝  
龍後裴顏  
氏入京尋  
幽於寧古  
塔被誅

莫蕭拱辰  
黃昭奉世  
襲拒經經  
勝之昭燬  
遂入台待  
禮世襲知初

# 鄭成功年譜附

明天啓四年

成功生于日本平戶

全五年

全二歲

全六年

全三歲

全七年

全四歲

鄭芝龍攻廣東豐儀村

鄭芝龍犯銅山崗山

熹宗崩信王即位魏忠賢誅

明崇禎元年

全五歲

鄭芝龍降

流寇起

全二年

全六歲

明下袁崇煥於獄

全三年

全七歲

明授鄭芝龍都督

成功歸自日本平戶

全四年

全八歲

全五年

全九歲

鄭芝龍破劉香于福建

全 六年 全十歲

全 七年 全十一歲

全 八年 全十二歲

全 九年 全十三歲

全 十年 全十四歲

全 十一年 全十五歲

全 十二年 全十六歲

全 十三年 全十七歲

全 十四年 全十八歲

全 十五年 全十九歲

全 十六年 全二十歲

滿洲定官名改瀋陽爲盛京

鄭芝龍再破劉香弟芝虎死之

滿洲建國號曰清改元崇德

明削芝龍官

清兵攻朝鮮王李信降

成功入南京大學補弟子員

清兵陷濟南德王被執

鄭芝龍任福建叅將累遷三省總戎大將軍

李自成陷河南殺福王洵陷南陽殺唐王聿錕

李自成自稱天武大元帥改襄陽曰襄京

清主皇太極生子福臨立改元順治

全 十七年 清順治元年 全二十一歲

李自成借稱王國號大順改元永昌三月陷京師毅宗自經

明吳三桂乞師于清清兵入燕京遂定鼎

明福王即位于南京明年改元弘光

清兵陷南京挾弘光帝北去

鄭芝龍等擁立唐王改元隆武

張國維以魯王監國紹興

隆武賜成功國姓拜御營中軍都督儀同駙馬是年成功迎

母田川氏于日本長崎

成功封忠孝伯

清兵殺隆武並及周王益王遼王

清兵攻泉州成功母田川氏自殺

鄭芝龍降清遂北去

成功始起義師

明隆武二年 清順治三年 全二十三歲

明永曆元年

清順治四年

全二十四歲

明永明王監國改元永曆

成功奉永曆正朔歸自南澳

全二年

清順治五年

全二十五歲

永曆奔南寧又自潯州奔于肇慶

全三年

清順治六年

全二十六歲

成功子經生立為嗣子

全四年

清順治七年

全二十七歲

永曆封成功為延平公

全五年

清順治八年

全二十八歲

成功併鄧聯軍

全六年

清順治九年

全二十九歲

成功攻漳浦

全七年

清順治十年

全三十歲

清使芝龍作書招成功不應

全八年

清順治十一年

全三十一歲

清封芝龍為同安侯諭成功勸降不應

全九年

清順治十二年

全三十二歲

清又諭成功不從清幽芝龍于寧古塔

魯王艘舟南日山遭風沒於海

全九年

清順治十二年

全三十二歲

成功破安平鎮及惠安同安南安三邑

鄭成功傳

七三

全 一十年 清順治十三年 全三十三歲

全 十一年 清順治十四年 全三十四歲

全 十二年 清順治十五年 全三十五歲

全 十三年 清順治十六年 全三十六歲

●成○功○將○黃○梧○降○于○清○發○鄭○氏○墳○并○害○其○親○黨○  
 ●成○功○將○甘○輝○攻○寧○德○殺○清○將○阿○克○襄○  
 ●成○功○進○封○為○延○平○郡○王○議○大○舉○取○南○京○兵○號○八○十○萬○  
 ●永○曆○帝○在○永○昌○以○諸○臣○叛○遂○入○緬○甸○  
 ●成○功○敗○績○于○金○陵○甘○輝○死○之○  
 ●帝○在○緬○甸○  
 ●清○將○軍○達○素○率○滿○漢○兵○伐○成○功○  
 ●帝○在○緬○甸○  
 ●成○功○逐○和○蘭○人○于○台○灣○取○之○  
 ●清○主○殉○第○三○子○玄○禪○立○改○元○康○熙○  
 ●清○殺○鄭○芝○龍○及○其○子○弟○十○一○人○  
 ●永○曆○帝○崩○于○雲○南○  
 ●成○功○子○卒○經○嗣○仍○奉○明○永○曆○正○朔○

全 十四年 清順治十七年 全三十八歲

全 十五年 清順治十八年 全三十八歲

全 十六年 清康熙元年 全三十九歲

●永○曆○帝○崩○于○雲○南○  
 ●成○功○子○卒○經○嗣○仍○奉○明○永○曆○正○朔○

全 十七年 清康熙二年

全 十八年 清康熙三年

全 十九年 清康熙四年

全 二十年 清康熙五年

全 二十一年 清康熙六年

全 二十二年 清康熙七年

全 二十三年 清康熙八年

全 二十四年 清康熙九年

全 二十五年 清康熙十年

全 二十六年 清康熙十一年

全 二十七年 清康熙十二年

全 二十八年 清康熙十三年

清軍攻經經退保銅山失金門梧嶼二島

清以書招經經不從

清平西王吳三桂以雲南四川貴州叛

清平南王尚之信以廣東叛靖南王耿精忠以福建叛

吳尙耿及鄭氏合從軍成

全三十九年 清康熙十四年

全三十年 清康熙十五年

全三十一年 清康熙十六年

全三十二年 清康熙十七年

全三十三年 清康熙十八年

全三十四年 清康熙十九年

全三十五年 清康熙二十年

全三十六年 清康熙二十一年

全三十七年 清康熙二十二年

全三十八年 清康熙二十三年

耿○鄭○交○惡○吳○三○桂○使○周○文○驥○來○平○遂○如○初  
鄭○軍○縱○橫○閩○漳○間

七六

尙○之○信○復○降○於○清○八○月○耿○精○忠○又○降

經○旋○師○台○灣○所○得○漳○泉○七○府○地○一○時○皆○潰

吳○三○桂○死○子○世○瑤○嗣○尋○亡

清○賴○塔○以○書○招○經○許○如○朝○鮮○日○本○例○議○不○協○而○罷

經○卒○子○克○煥○嗣

清○以○施○琅○爲○水○師○提○督○議○大○舉○征○台

清○軍○征○台○克○煥○降○明○亡

甲辰年十一月十日印刷  
全 年十一月十五日發行

光緒卅四年（一九〇〇）

定價大洋四角

著 者 匪 石

版 權 所 有

日本東京神田區駿河台鈴木町十八番地

發行所 清國留學生會館

日本東京淺草區黑船町廿八番地

印刷所 東京並木活版所

